



**KENYATAAN MEDIA**

### **UniMAP RAIH 3 BINTANG DALAM PENILAIAN PENGURUSAN REKOD**

Kangar, 27 September 2016 – Universiti Malaysia Perlis (UniMAP) berjaya memperolehi tiga bintang dalam penilaian Pengurusan Rekod Terbaik Kategori Universiti Awam (UA) 2016 seperti yang diumumkan hari ini.

Anugerah itu diterima pada Majlis Anugerah Pengurusan Rekod Terbaik UA yang diadakan di Auditorium Pusat Pendokumentasi & Pemuliharaan Audiovisual (PPPAV), Arkib Negara di Kuala Lumpur, hari ini.

UniMAP yang diwakili Pendaftar UniMAP, Zuber Mohamed menerima anugerah itu yang disampaikan Timbalan Ketua Setiausaha (Pengurusan) Kementerian Pelancongan & Kebudayaan Malaysia, Dr Junaida Lee Abdullah.

Naib Canselor UniMAP, Dato' Prof Dr Zul Azhar Zahid Jamal melahirkan rasa bangga di atas pencapaian itu dan berharap ia menjadi suntikan semangat bagi seluruh warga UniMAP khususnya dalam aspek pengurusan.

Katanya, anugerah berkenaan menjadi pengukur kepada prestasi pengurusan rekod dalam memastikan pelaksanaan program pengurusan rekod di UniMAP sentiasa berada di tahap cemerlang.

“Selain itu, ia satu pengiktirafan kepada kita terutama semua warga kerja UniMAP yang sentiasa melaksanakan tadbir urus pengurusan rekod dengan baik sebelum ini,” kata beliau.

UniMAP memperolehi anugerah berkenaan selepas auditan pengurusan rekod dilaksanakan juruaudit dari Arkib Negara pada 16 hingga 17 Ogos lalu.

Selain sebagai salah satu pengiktirafan, penilaian berkenaan diwujudkan oleh Arkib Negara sebagai menggalakkan persaingan yang sihat dalam pembudayaan program pengurusan rekod yang kondusif di kalangan UA.

**Dikeluarkan Oleh :**

**Aininulniza Mohd Yusof ([aininulniza@unimap.edu.my](mailto:aininulniza@unimap.edu.my))**

Pegawai Perhubungan Media UniMAP